

16875

Practica Teütsch auff das AD.
D. XXXIij. Jar / durch Bartholomeü Nangolt
 der freyen Kunst vnd Arzney Doctor / gemey-
 nem menschen zü güt aufgangen.

233419



Floruit & uixit quondam Germania foelix,
 Quæ modo, mars, pestis, uerat & atra fames.
 Virga dei externis populis fuit hacten⁹, at nūc
 Criminibus patitur: p̄mia digna suis.
 J. W. D.

Sandit̄ in varias uulg⁹ mutabile mētes,
 Ordine nec prestat urbs populoſa ſuo.
 Omne in ſcipiti uitii ſtat, creuit in alrums
 Luxus & eris amor, fraus, gula, liuor edax.

AB Astrometeorologie

Handwritten text, likely bleed-through from the reverse side of the page. The text is faint and mostly illegible due to fading and the texture of the paper.



Glorred in dise Practica.



Er ewig Got vnser schöpfer vnd erlöser / hat den menschen aus besondern gnaden vnd barmherzigkeyt verlihen vnd geben / das er nicht alleyn (als andere thier) mag erkennen die vergangne vnd gegenwertige ding / Sonder er mag auch in etlich weg verstehen was künfftig ist / auff das er sich zu dem künfftigen gütten schicken vnd bereyten / vnd vor dem vbel fürsehen vnd bewaren müg / Vnd dise fürsichtigkeyt geschicht allermeyst durch den einfluss des hymels vnd der stern / auff welche vns auch Christus im Euangelio heysset ein auffsehen haben / darvon haben vil hochuerstendigen vñ scharpff sinnige Lerer geschriben / aus welcher anzeigung ich dis meyn nachuolgend Practica gezogen / vnd kürzlich in neun Capitel geteylet hab.

A ij

Das Erst Capitel von den Herren des Jars.



W ich gründlich liß vnd erfare den lauff
des himels in den vier zeiten des jars/auch
den eingang der sonnen in den ersten grad
des Widers am. 10. tag des Mertz nach
mittag vmb. 6. vr. 48. minuten/auch den
eyngang der selbigen in die ander Angelz
zeychen/vnd die cōiunction vnd Application der andern
Planeten/so wirt Saturnus mit hilff Veneris vnd Mar
tis/ein Herr des künfftigen Jars/welcher Wirkung vnd
event wirt man hernach in diser Practica wol verstehen.
Dann gewis ist/das Saturnus allweg widerstrebt als
len das do lebt vnd wachsen sol/so bewegt Mars Coles
ram/macht hizig geblüt/begirig des rachs/vnd kein frid
Doch ist an vil orten der merteyl güt Application der
freundlichen Planeten/dardurch jr Bosshet gemindert
wirt/vnd vns auch bessers zū hoffen/dann vber die sibem
stern der Planeten seynd noch hundert tausent/vnd mer
stern die nicht vnstät als die Planeten/sonder gleyche Bes
wegung haben/der tugent vnd Wirkung wir wenig
wissen/die vns oft heymlich wider all vnser kunst vnd
viteyl güt mittel machen/vnd glück bescheren da wir von
grossen schwerdschlegern sagen/wo das nicht/wer die
welt langest (vnser sag nach) mit sindflus vnd ander vn
gefell beschediget/vnd villeycht gar vntergangen. Dar
umb sol sich niemands verwundern/so schon nicht alle
ding so gewislich alle jar kumpt/wie wir in vnsern Pra
ctica allweg schreiben/dann wir alleyn nach natürlichen
einfluss/der ding vns möglich zū wissen/zükünfftigs an
zeygen. Es begibt sich auch selten (wie vil practizieren)
das sie einhellig seyen vnd concordieren in anzeygung der

Herren des jars/von wegen mancherley vermischung der
güten vnd bösen influenz des gestirns/in der oder andern
zeyt des jars ꝛc.

Das ander Capitel von Finsternus dis Jars.



In diesem jar wirt ein finsternus des Mons
vnd wirt der Mon ganz bedeckt auff .13.
puncten in dem .20. grad des Wassermans
am .4. tag des Augstmonats/der anfang
zū nacht vmb .10. vr. 2. minut/mittel vmb
11. vr. 54. minutē/das end am sinstag mor
gens vmb .1. vr. 40. minut/weret gar .3. stund .32. minut/
die groß volkommen scheinlich finsternus zeygt an (als
etlich sagen) vil widerwertigkeit/franckheyt vnd Betrüb
nus/ dann der Mon hat all seyn glücklich einfluß durch
das liecht der Sonnen/darumb so er deß beraubt/wirt er
in all seyner Wirkung geschwecht/nicht alleyn zū der zeit
der finsternus/sonder auch lange zeyt darnach/Es wirdt
auch Saturnus wider die recht ordnung der zeychen hin
dersich gehen vom angehen des jars bis auff don. 14. tag
des Hornungs/vnd von dem .14. des Weinmonats biss
zū end dis jars/defgleychen wirt Jupiter hinder sich ges
hen von dem .2. tag des Merzen/bis zū dem .2. tag des
Hermonats/dermassen auch etlich ander Planeten.

Das dritt Capitel von Bes sundtheyt vnd Kranckheyt des Jars.

Wiewol das gestirn nicht besonder vergiffung des

lufftes oder pestilenz der mertheil in vnsern landen anzeigt
 außgenommen etlich ort am wasser vnd See gelegen/ vnd
 stinckenden pfizen/ so werden doch sunst mancherley selb
 zamer tranckheyt entstehen/ auß vberfluß vnd vnordens
 lichem regiment/ das wir gewönlich allenthalb füren/
 dardurch vil böser feuchtigkeit im mensche gesamlet wirt
 die beschwert vnd verderbt den magen / verstopfft die le
 ber vnd milz / vnd andern gelidorn darauß entspringen
 (als Auicenna sagt) all tranckheyt/ Darumb wirt regier
 ren hauptwee / schwindel/ Angenwee / sausen der oren/
 halß geschwer/ keychender athem / groß vnd vil magen
 wee/ stechen der seyten/ schmerzen der bärnüter/ das po
 dagra/ vnd erlamung der glider / Es werden vil kinder
 sterben/ auch an vil orten das vhe / sero/ küe vnd schaffre.

Das vierdt Capitel von wachsung der frucht.

Die gemeynen Astrologi/ vnd Besonder Albumasar
 in dem büch der grossen coniunction sagen/ das die
 herrschafft Saturni selten ergang on schaden der frucht/
 Darzu wirt auch dienen die vorgedacht groß grausam
 finsternus des Mons/ vnd besonder auch der Comet oder
 schwanzet stern im Augustmonat des vergangnen Jars
 lang gesehen/ welcher gewönlich allweg (als Aristoteles
 sagt) bedeut mangel der frucht/ darauß zu besorgen an vil
 orten/ besonder gegen dem nidergang der Sonnen/ werd
 schmale narung am erdbaw vnd gepresten am getreyd/
 Aber in vnsern lande gegen mitternacht ist zu hoffen zim
 lich gnügsam wachsung aller frucht. Das steynops mö
 chte in der plüß etwas schaden leyden an etlichen orten/
 Aber das Korn/ Rocken/ Jesen/ Gersten/ Haber/ Weytz/
 vnd ander getreyd/ wirt sich wol erzeygen / desgleychen

auch die weyntrauben/so vns Got vor hagel vnd schanz
bewaret.

Das fünfft Capitel von frid vnd kriegsleuffen.

Nach aller anzeygung des gestirns/so wirt das künfft
tig jar vil vneyngkeyt vnd auffrühr etlicher lender
vnd stett/besonder wirt groß neyd vnd hass erwachsen/
der weltlichen herrn vnd des gemeynen volcks wider die
geystlichen/Bischöff vnd Prelaten vnd ander diener der
Kirchen/der vil jr empter vnd pfründen entsetzen/vnd jr
zeytlich güter angreyffen/die sie auch etwa vnbillich den
armen vnter dem scheyn der geystlichkeyt haben abgezogen.
Es werden auch die burger in stetten/vnd die nachbarn
auff dem land/vnter in selbs zwispeltig beleyben
des glaubens halb / vnd yeder die verporgne heylige ges
chrifft nach seynem eygnen kopff auslegen/den andern
verachten/dardurch zü besorgen ist groß auffleuff/rots
tung vnd entpörung an etlichen orten/Deshalb billich al
le Christliche Oberkeyt/geystlich vnd weltlich/vnd beson
der die löblichen Keychstett solten fleysß ankeren/dem ges
meynen böfel (der selten das best fürnimpt) den saum nit
zü lang lassen/bey zeyt die böck von den ligen scheiden/
vnd Got bitten/das er vns wöll geben seyn gnad vnd ey
nigkeyt/wo aber in sonderheyt sich frid oder vnfrid an
meisten erzeigen/wirt im nachgenden Capitel gesagt.

Das sechst Capitel von etlichen Künigreychen/landen vnd stetten in sonderheyt.

Der hochberühmpt Meyster Johann Carion in seyn
ner prognostication sagt auff das künfftig jar also/
Der. 18. grade der Wag/ wirdt im anfang des jars/ den
ascendenten begreyffen/ welches mit sampt der finsternus
anzeigt zertrennung vnd zerprechung vil gemachter ord-
nung vnd statuten/ dann der teuffel vnd seyn anhang
Christliche ordnung nicht gern sicht/ vnd allweg wo er
liebe vnd eynigkeyt entpfindt/ seyn samen einset. Es wirt
in disem jar ein falscher Prophet auff steen/ vnd alle sachen
des Euangelions vnd glaubens mit eynem scheyn der
güthen abthon/ derhalben vil geergert werden/ Vnd wirt
diser lere anhangen Brabant/ Engelland / vnd zum teyl
Flandern/ auch in etlichen orten des hochtentsch landes
erschallen/ Frantzeuch wirt in disem jar in eynem güthen
stand schweben/ Italia / Neapolis vnd Apulia werden
zum teyl widerwertigkeyt erlangen in zentfischem stand/
In Leyffland/ Preussen vnd Poln gut eynigkeyt/ Aber
Denmarck vnd Norweden wirt etlicher maß mit feynde-
schafft angetast/ güte vnd glückhaffrige zeyt besitzet das
land zu Schwaben mit freuden vnd eynigkeyt/ also sagt
Meyster Carion.

Das sibendt Capitel von dem stand der menschen/ dreyer- ley Secten.

Von wegen das Jupiter einregierer der Christenheit
hofft vnd dick in böser constellation gefunden wirt/
die Christenlich kirch vil anstöß leyden/ vnd Sanct Pe-
ters schifflein vil grosser ungestümer wind anween/ also
das es fast schwanken wirdt/ aber doch nicht gar vnter
gehen. Die Jüden werden ein glücklichen stand haben
mit fürgang jr gewin/ doch vil frummer Christen mit dem
wücher

wücher von dem land jagen/vnd sie daselbst bleiben/vnd
eindweders des Jüdisch glübd ein halten so sie müssen
einander schweren/das jr yeglicher wil das Christenlich
Blüt durchächten/oder sie müssen aber sunst den Christen
(den sie mit artzney vnd ander weg vil güts zusagen) nit
glauben halten. Die Türcken vnd Saracenni vnd an-
der dem Machometischen glauben anhengig / werden
mit vil krankheyt beschwert/vnd jr grimmigkelt gegen
Christen an mancherley orten erzeygen.

Das acht Capitel/Von dem stand der menschen nach regie- rung der Planeten.

DJe großmechtigen König / Fürsten / vnd Herren/
auch Regierer der land vnd stedt / auch ander von
gepurt der Sonnen vnterworffen / sollen eben zusehen/
das sie nicht von iren eygnen vnterthonen betrübet wer-
den / denn das gestirn inen diewet seyndtschafft / krank-
heyt vnd widerwertigkelt / Besonder im Sommer vnd
Herbst / aber den Winter mer glücks gwertig.

Geystlich personen vnd der kirchen Prelaten / Bischoff
Pfaffen / auch Juristen / vnd liebhaber der gerechtigkeit/
vnd all die von gepurt dem Jupiter vnterworffen / wer-
den entpfinden abgang irer gütter / vnd hindernus in iren
geschefften / doch werdē sie allweg bey gutem vermügen
bleyben / vnd zū letst wider hoch gehalten / denn man yetz
mer iren güttern denn iren personen seynd ist / Die gelerten
Priester werden thewr / vnd die vor veracht / wider hers
für gezogen.

Rittermessig kriegsleut / wand arzet / vnd was mit eys

fen umbgehet vnd im feur arbeit/vnd ander von gepurt
rumorisch menschen / dem Mars vnterworffen/ werden
dis jars wenig glück haben / vnd besonder den ersten teyl
des jars / dann etlich der werden mit hizigem sieber vnd
anderer krankheyt beladen.

Alte menschen / pawren / ackerleut / grob handtwercker
vnd was in dem erdrich arbeyt / vnd was schwarze farb
liebet / oder von natur dem Saturno vnterworffen / wirt
mittels glücks gewertig / vnd etlichen dem Jupiter vnters
worffen schaden zufügen / doch darnach wider geben / den
sie es genummen haben.

Weyber / Spilleut / Singer / Orgler / Musici / schimpff
liche menschen / Schalcksnarren / vnd all von gepurt Ve
nus vnterworffen / werden ein glückhafftigs Jar haben /
vnd die frawen werden ire kinder mit freuden leychtlich
geperen / doch werden jr etlich im außgang des jars mit
krankheyt beschwert.

Alle liebhaber der Kunst / Astrologi / Medici / Büch
trucker / Schreyber / Poeten / Banffleut / Maler / Gold
schmidt / Bildtschnitzer / Münzmeyster / vnd alle künst
ner in yedem handtwerck / auch ander von natur listig
vnd sinnreich / vnter Mercurio geporen / werden ein zim
lich gut jar haben / doch jr etlich schaden an jren güttern
entpfahen.

Das gemeyn volck / Landfarer / potten / furlent / Jäger
Müller / vnd was seyn handtwerck im wasser treibt / oder
von gepurt / hanß in allen gassen / dem Mon vnterworff
fen / werden widerwertigs erleyden / vnd mancherley ans
fahen / doch bald darvon fallen / vil trügnus / diebstal / vñ
gesencknus erfahren.

Das neundt Capitel von new Bruch vnd quart des Mons/auch von dem wittern der Mo- nat dis Jars.

Die erst quart/ Freytag nach dem newen jar 7. v. nach
mittag/ geneigt zu kelt/ auch feuchtigkeit vnd schne.

Bruch Sambstag nach Pauls einsidel/ wenn es mor-
gens 1. schlecht vnd 32. minuten/ kalt schne vnd wind ein-
füren wirt.

Die letst quart Anthonij 4. v. nach mittag/ trüb wetter
mit kelt/ an vil orten schnelle feuchtigkeit.

New Hornung

New Hornung/ sambstag Paulus bekernung morgens
weñ es 9. v. schlecht 25. minuten/ kalt wind mit schne.

Erst quart Marie Liechtmess 1. v. nach mittag/ zim-
lich kalt mit mitternechtlichen winden.

Bruch sonntag nach Dorothea morgens wenn es 11. v. 2
schlecht 6. minuten/ kalt vnd feucht.

Die letst quart sonntag nach Valentini/ morgens wenn
es 4. v. schlecht/ wind mit nachfolgendem schne.

New Aldertz

An Sanct Mathias tag des heiligen zwölffpoten mor-
gens wenn es 3. v. schlecht 48. minut/ kalt wind mit feuch-
tigkeit vnd schne.

Das erst vierteyl/ zinstag nach Innocent morgens so
es 5. v. schlecht/ windig vnd feucht.

Bruch montag nach Reminiscere 9. v. 6. minut nach
mittag/ schne oder regen.

Das letst vierteyl/ montag nach Oculi 6. v. nach mit-
tag/ kalt wind mit feuchtigkeit vnd trübem lufft.

Nery Aprill

Nery April/Marie verkündung 9. v. nach mittag/kalt
vnd feucht wind/an etlichen orten mit schne.

Die erst quart/mitwoch nach Judica 4. v. nach mit-
tag/dunckel kalt wetter mit feuchtigkelt.

Bruch mitwoch nach dem Palmtag/morgens wenn
es 5. v. schlecht 41. minut/kalt wind mit schne.

Letst quart/mitwoch nach Ostern/morgens wenn es
9. v. schlecht/geneygt zu temperirtem lufft.

Nery Mey

Nery Mey/Donerstag nach Quasi modo/umb mit-
tag 27. minuten/feucht wind.

Die erst quart am tag Philippi vnd Jacobi. 11. v. nach
mittag/vnstat/mit wolken winden vnd regen.

Bruch/donerstag nach Jubilate 2. v. 18. minutē nach
mittag/mit feuchten winden entstehen wirt.

Die letst quart Freytag nach Cantate morgens wenn
es 2. schlecht/temperiert wetter.

Nery Brachmon

Nery Brachmonat/sambstag nach der auffart Chri-
sti/morgens frū wenn es 1. v. schlecht 23. minuten/wind
mit dunckelem lufft.

Erst quart/sambstag nach Exaudi/morgens wenn es
4. v. schlecht/feucht wind.

Bruch/freytag nach dem pfingstag 11. v. 43. minuten
nach mittag/tonner mit wind vnd etwan regen.

Das letst vierteyl/sambstag nach Barnabas 6. v. nach
mittag/vnstat mit gewitter.

Nery Herymon

Am sonntag nach Gerasi 12. minuten nach mittag/vn-
stat wetter mit wind.

Erst quart/am sonntag Petri vnd Pauli/morgens wenn
es 7. v2 schlecht/warm mit tonner.

Bruch/sonntag nach sanct Vlrichs tag/morgens wenn
es 10. schlecht 45. minut/feucht kalte wind mit tonner.

Letst quart/montag nach Margarethe/morgens wenn
es 11. v2 schlecht/wind regen mit tonner.

Nery Augustmon

Montag Braxedis 10. v2 30. minuten nach mittag/
warm mit tonner vnd pliz.

Die Erst quart/Montag nach Jacobi/vmb mittag/
warm mit tonner.

Bruch/montag nach Peters kettenfeyr/groß finsternus
geschehen/Sringt feuchtigkeit vnd wind.

Letst quart/am tag Hypoliti /morgens wenn es 3. v2
schlecht/regen vnd wind mit tonner vnd pliz.

Nery Herbstmon

An sanct Bernharts tag morgens wenn es 6. v2 schlechte
4. minuten/wirt warm mit tonner vnd wind.

Erst quart/zinstag nach Bartholomei 8. v2 nach mits
tag/trüb lufft/an etlichen enden tonner.

Bruch/Mitwoch nach Egidij 3. v2 23. minuten nach
mittag/trüber lufft mit winden.

Das letst vierteyl/am donerstag nach Marie gepurt/
6. v2 nach mittag/temperirter lufft mit wind vñ wolcken
auch nebel.

Nery Weinmon

Am tag Titii 2. v2 37. minuten nach mittag kalte wind/
mit regen nebel.

Erst quart/donerstag nach Mathei morgens wenn es
8. schlecht/starck wind mit regen vnd nebel.

Bruch/freytag nach Michaelis morgens wenn es 8. v2
schlecht 8. minut/dunckel wetter mit wolcken vnd wind.

Die letst quart/sambstag nach Dionysi/morgens wenn
es 8. v: schlecht/wind mit trübem gewülck/an etlichen ort
ten regen/nebel.

Nerv Wintermon

Freitag nach Galli 11. v: 25. minuten nach mittag/
Kalter fenchter wind/an etlichen orten mit Eislen.

Erst quart/Freitag nach vrsule/spat vmb mitnacht/
wirt dem nerv gleych wittern.

Bruch/sonntag nach aller heyligen tag/morgens wenn
es 3. v: schlecht 16. minuten/dunckel vnnnd feucht wetter
mit wind.

Letst quart/sonntag vor Martini 7. v: nach mittag kalt
wind vnd trüb wolcken.

Nerv Christmon

Am sonntag Othmari/morgens wenn es 10. v: schlecht
22. minut/kalt wind mit regen vnd reyssen.

Erst quart/sonntag vor Batherine 6. v: nach mittag/
kalt/an vil orten schne.

Bruch/montag nach Andree 8. v: 59. minut nach mit
tag/feucht wetter mit wind vnd schne.

Letst quart/zinstag nach Nicolai wenn es 4. v: schlecht
kalt wind mit schne vnd gewülck.

Nerv Jenner

Montag nach Lucie 10. v: 36. minuten nach mittag/
kalt wind mit schne.

Erst quart/zinstag nach Thome des zwölffpoten 3. v:
nach mittag/kalt wind bringend schne.

Bruch/Mitwoch nach der vnschuldigen kindlein tag
57. minuten nach mittag/wind.

Getruckt zu Nürnberg durch
Königund Hergotin.